

Bonbiní! Den e di dos boletin informativo akí di 2020 nos ta informá bo di e último notisianan di penshun.



Blog di e presidente

Kiko e krísis di Corona ta nifiká pa bo penshun?

Kasi tur pais na mundu a keda formalmente afektá pa e vírüs di Corona. Na momentu ku mi skirbiendo e prólogo akí, ta parse ku e kantidat di infekshon na Boneiru, St. Eustatius i Saba ta mihó di loke ku a spera. Nos kolaboradónan afortunadamente por sigui traha normal. Asina e atministrashon di penshun ta keda na òrdu i por paga e penshun kada bia na tempu. Bo tin pregunta tokante bo penshun? Nos ta pidi bo e ora pa no pasa na ofisina, pero pa tuma kontakto ku nos via telefòn òf e-mail. I naturalmente nos ta keda aktivo tambe riba Facebook pa suministrá bo ku informashon relevante.

Sla fuerte

Tòg e grado di kobertura di nos penshun a haña un sla basta fuerte debí na e krísis di Corona mundialmente. Ora no muchu tempu pasá nos fondo ainda tabatin un grado di kobertura di alrededor di 112 porshento, e grado di kobertura na e momentunan akí a baha konsiderablemente. E grado di kobertura ta reflehá e relashon entre nos kapital di penshun i e penshunnan ku nos mester paga. Debí na e krísis di Corona, meskos ku otro fondonan di penshun, nos a sufri pèrdidanan notabel riba bolsa.

Ademas FED, e sistema di Banko Sentral merikano, a baha e interes ofisial konsiderablemente. Pa e motibu akí nos mester tin mas plaka den kaha pa por kumpli ku nos debenan di penshun. Pa motibu ku e grado di kobertura di PCN ta mas abou na e momentu akí ku loke ta rekerí, PCN a bolbe desaroyá un plan di rekuperashon. E plan akí nos a entregá fin di aprel serka De Nederlandsche Bank. Akiden a indiká kon e grado di kobertura di PCN lo yega atrobe riba e nivel korekto, segun espektativa. Fin di sèptèmber ta atrobe un fecha di determinashon importante pa nos fondo. A base di grado di kobertura na e momentu ei, direktiva ta disidí si por indeksá e penshunnan (parsialmente) entrante 1 di yanüari 2021.

Finalmente

Den e boletin informativo akí bo ta lesa mas tokante e posibilidat pa kanselá bo penshun i kua ta e kambionan ku abo mes komo partisipante tin ku meldu serka e fondo di penshun. Pasobra no tin kuestion di un 'lockdown', konstrukshon di nos kantor nobo ta kana segun planifikashon. Pa awor mi ta deseá bo un perfekto salú!

Harald Linkels, *Presidente*

Dikon nos ta invertí komo fondo?

PCN ta risibí primanan di penshun. Un gran parti di e primanan ei nos ta invertí. Nos ta hasi esei pa gana mas plaka pa e partisipantenan di nos fondo di penshun. Di manera ku bo entrada aweró por krese i nos tin e oportunitat pa indeksá e penshunnan anualmente. T'asina si ku nos ta invertí naturalmente kontra riesgo- i kostonan aseptabel.

PCN ta invertí 5% lokal i 95% riba bolsanan internashonal. Aki nos ta invertí den bononan estatal i balornan empresarial.

Bononan estatal ta karakterisá nan mes pa periodonan largu di durashon i un interes fiho. PCN no ta kore muchu riesgo ku e invershonnan akí. Pa loke ta trata nos invershonnan den balornan komersial ta bai mas bien pa akshonnan kotisá. PCN ta aspirá un meks di invershonnan, kaminda e riesgo i rendimentu (ganashi) ta den un bon relashon ku otro. Invershonnan lokal ta kai bou di e kategoria akí.

Kanselá bo penshun, Esei ta posibel?

Bo ta konstruí un penshun komo entrada pa despues. Serka PCN di bes en kuando nos ta haña e pregunta si por kanselá e penshun akumulá. Esei por solamente si e balor di e penshun di behes konstruí, riba e fecha di penshun, ta mas abou ku un sierto mínimo stipulá. Den e kaso ei bo ta risibí risibí bo penshun kompleto un solo biaha den un suma. Despues di esei bo no tin derechi mas riba un pago mensual. Den tur otro kaso no ta posibel pa kanselá bo penshun. Ya ku bo penshun ta destiná pa biba di dje despues, huntu ku bo AOV.

Den 2020 e siguiente sumanan mínimo ta konta pa kanselashon di bo penshun. Gobièrnu ta stipulá e montantenan i nan ta pará tambe den e reglamentu di penshun.

SUMA MÍNIMO BRUTO (ANUAL) 2020	SI BO TA HABITANTE DI
USD 1.606	Bonaire
USD 1.593	Sint Eustatius
USD 1.580	Saba
USC 1.580	Un otro lugá ku no ta Boneiru, Sint Eustatius òf Saba

Kanselashon promé ku e fecha di penshun ta solamente posibel, si bo emigrá pafó di Reino Hulandes. Bo por pidi informashon tokante esaki na un di nos ofisinnan.

Tin algu a kambia? Komuniká esei!

Ta importante pa komuniká kambionan den bo situashon personal ku PCN. E kambionan mas importante ta:

Kambio di adrès: Si PCN no tin bo adrès korekto, bo no ta risibí pòst. Esaki ta nifiká ku bo no ta na altura di e situashon relashoná ku bo penshun i ku te asta nos no por haña si bo penshun drenta na vigor.

Kambio den estado sivil: Kasa òf diborsia por tin konsekuensia pa e penshun di sobrebiente.

Kua kambionan bo dunadó di trabou mester komuniká ku nos?

- Drentamentu den serviso
- Kambionan den salario
- Kambionan den bo porsentahe di partaim
- Bandoná di serviso

Informashon di penshun

Na komienso di e aña akí pa di promé bes bo a risibí un resúmen di penshun di nos propio atministrashon. Bo por ferwagt e informashon di penshun di 2020 den e di tres kuartal. Por favor kontrolá e bia akí tambe bo informashon di penshun minusiosamente i komuniká ku nos si falta informashon òf e si informashon no ta korekto.

Kiko a manda pa nos hendenan ku tin derechi riba penshun?

Nos partisipantenan ku tin penshun a risibí na komienso di e aña akí un karta den kua tin e altura di nan penshun pa 2020. Tambe a manda un slep di salario di un bia i e resúmen anual 2019. Pa preguntanan tokante esaki semper bo por tuma kontakto ku nos. Gustosamente nos lo yuda bo.

Nos kier rekordá bo, ku semper ta depositá bo pago riba 21 di e luna riba bo kuenta. Si esaki no ta kaso? Tuma kontakto e ora ei ku nos.



PCN OFISINANAN

Bonaire office

Kaya General Carlos Manuel Piar #5, Bonaire

T +599 717 09 84

E info-bonaire@pensioenfonds-cn.com

Sint Eustatius

Mazinga Square, Oranjestad, Sint Eustatius

T +599 318 32 18

M +599 416 68 60

E info-statia-saba@pensioenfonds-cn.com

Saba

T +599 416 68 60

E info-statia-saba@pensioenfonds-cn.com

Online

F facebook.com/PensioenfondsCN

I www.pensioenfondscn.com

PROGRESO KONSTRUKSHON EDIFISIO DI OFISINA BONEIRU

Konstruksion di nos kantor nobo na Boneiru a kuminsá na yanüari 2020. Gustosamente nos kier tene bo na altura pa medio di un serie di pòtrèt. Nos ta spera di drenta, huntu ku atministrashon, na final di 2020 den e edifisio nobo.



11 DI FEBRÜARI 2020



2 DI YÜNI 2020